

# Jutko Sokome Nakayáñaró

## Iñondutu Unipareko Ñuno Uró Ñu

### Mande Kembé

Komo suki uni kato sokome ña **Grik** mandewore nakayáñaró, ko eneño owí nekaró, ñuko “Jut.” (*Jut 1* weyo qembe.) Quko do Jut horémbo nakayáñaró, nore hamó kama ñoyoteto. Enendo ñande yaró, “Jems koro koneyó.” Asa ko itaka, ño-ño uni qambu qundo ñande ye ñoyotetngo, ko Jems ñuko Yesu koro koneyó nanje. Ñuniro nanje Jut ñuyako Yesu koro koneyó. Koretero, Yesu nokono yaró quno ñuno, kone-topémbo ñondutuwooro kama howeyango. Quko Yesu khumoro otoqaró quno ñondutuwoyagurí.

Nore ñande ye ñoyoteto, ko koretero Pitako sokome irisayó mu nakayáñaró, tukú Jutko sokome ña nakayáñaró. Sokome irisa quro murí kanata nanje, quko Pitako uni kota-kota mahewango ñuro yaró. Jutko uni kota-kota komo mahengurí ñuro yaró. Ñuniro nanje Jutko imemongo sokome ña nakayáñaró. Asa Pita kumima naru 65AD khumaró, peka. (Asa “65AD” murí muko ñandiro, ko Yesu nimí pisiyaró, yate kumima naru 65 ñunde rotaró. Nore kumima naru 2,000 ñunde rotooro yate itaka yoteto.) Ñuniro ño-ño kumimbo ñande ye ñoyotetngo, ko Jutko 66AD koya 80AD keweroko sokome ña nakayáñaró.

Danimboro Jutko sokome ña nakayáñaró, ñuya hamó kama ñoyoteto. Nore ñande yeyoteto, ko Pitako **Anutu koro huru-huru** kumi Esia mira parámimo yorango quro nakayáñaró. Ñuniro nanje Jut ñuyako **huru-huru** ñuro sokome ña nakayáñaró, peka.

---

<sup>1</sup>No Jut, no Yesu Kristo<sup>a</sup> koro sunará simó ka, Jems koro koneyó. Ye unipare Anutuko neko yereró qu, Anutu Awando yeño surumí ñoyote qu, Yesu Kristo enenombo sopo yereyote qu, sokome ña nakayáñowe yeno uró.

---

<sup>a</sup> 1 “Yesu Kristo” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yangurí. Juda unipareto uni maheweya ñu, “Kristo,” ma, “*Mesaiya*,” ye nekanjurí. Asa Yesu mahiní eneño unipareyó, “Kristo Yesu,” ma, “Yesu Kristo,” nanje ye nekanjurí.

<sup>2</sup>Meté Anutu enejombo sikiye parámi te yunoro newonde ime yunoro newonde meté parámi yunoweya.

**Rondaqe-rondaqe uni kota-kota qundo piyo tewango**  
(2 Pita 2:1-17)

<sup>3</sup>Uni topo hamó, koretero nondo Anutuko noya yeya rambaruru konjo yorará ñuro yeño sokome ka nakayáñowero quro kondé iñanowó. Quko kini, o meyowo karo nakayáñowano, yero iñoteno. Ñuko ñandiro, asa ye ñande iñotenggo, Anutuko miti mande ñu unipare meté horé<sup>b</sup> mu yunará, ko mande ñu kama kini teweya. Asa itaka ye miti mande ñuro kho kondé ti qembe. <sup>4</sup>Dokoro uni kumi mondó ta mahero ye keweroyemo mahengurí. Komo suki Anutuko ñande yaró, enendo uni ñunde qu topé piyimi yunoní piyo tewango. Ñundo Anutu koro samaka-samaka tuwó<sup>c</sup> ñu rero ñande ye iñotenggo, nore o pi-piyimi ñu meté tewato, dokoro Anutuko kinange samaka nereweya. Kowe uni ñundo noreño Uni Paráminani horé ñu, Yesu Kristo,<sup>d</sup> ñuro huwóñoyotenggo.

<sup>5</sup>Ye ñande iñoyotenggo, ko komo Uni Parámimbo enejo unipareyó yoriní Isip mira roto toñengurí. Quko imemoñgo kumimbo iñondutu kama tiqo rambaruru yereró. Ñuro iño-iñoye okoko yerewe ñuro pitu ko iñowanjo. <sup>6</sup>Kowe ñande iñi, komo sambo simó<sup>e</sup> kumimbo owé parámiye rotoro yendéye rotangurí. Rotiqo, Anutuko utó kondé piyimimbo kusi yerero meré huriri piyimimo yorotoro naru weña quno<sup>f</sup> yore mande khono yorotoweya. <sup>7</sup>Ñunde nanje Sotom koya Gomora koya<sup>g</sup> yendé parámi kutaqe yotenggo quya oteteye kanata na tero se simbururu teyangurí. Ko se simbururu piyimi enesó horé mu teyanggo. Ñunde ñuro Anutuko kewá riní sambo konjo sañayemo umburó. Anutuko o taró ñundo ñande witú nereyote, asa uni piyimi mundo topé piyimi ñu, te suki-suki qayote qu, rewango.

<sup>8</sup>Asa ñandiro nanje uni mondó ta keweroyemo mahengurí ñuro yeteno, ñundo quko enesó-enesó qene howero koweye sañanimo otete pusú teyotenggo, ko parámiyembo manjoye

---

<sup>b</sup> <sup>3</sup> “unipare meté horé ” ñuko oteteye soso muko meté nanje kini. Kini, owé ñu “unipare meté horé” ñuro murí muko ñandiro, “Anutu koro unipare” nanje. <sup>c</sup> <sup>4</sup> “samaka-samaka tuwó ” ñuko Anutu enejombo nore samaka yereyote. Kimoyó moré kini. <sup>d</sup> <sup>4</sup> “Yesu Kristo ” - komo suki ye-ye unindo Anutuko uni ka rokóñoní mahero wiri yerete uni parámi horé tunoqeweya qu karo yangurí. Juda unipareto uni maheweya ñu, “Kristo,” ma, “Mesaiya ,” ye nekangurí. Asa Yesu mahiní enejo unipareyó, “Kristo Yesu,” ma, “Yesu Kristo,” nanje ye nekangurí. <sup>e</sup> <sup>6</sup> “sambo simó ” ñuko komo suki-suki Anutuko unipare kama yoriní tunoqi sambo simó yondowaró. Ko itaka enejo sunará teyotenggo. <sup>f</sup> <sup>6</sup> “naru weña ” ñuko naru *Kristoko* pitu ko mahero unipare soso ronda yerero Anutuko o soso hamó wiriyoweya. (1 Tesalonaika 2:19; 5:23 koya 1 Korin 15:24-28 weyo qembe.) <sup>g</sup> <sup>7</sup> “Sotom koya Gomora koya” - komo suki yendé irisa ñundo o piyimi horé tiqo, Anutuko woñga rambaruru yereró. (Murí Tero 19 weyo qembe.)

wendaqeyotenggo, ko sambo simó pará-pará ñu yesará yereyotenggo. <sup>9</sup>Qeni, naru kano sambo simó parámi ñu, owí muko Maikel, ñundo Monimbu koya mande-mande tero dani kato Moses<sup>h</sup> koro ukúño reweya ñuro yariyó. Ko Maikeliko Monimbu yesaráñoro mande khono kama rotaró. Kini, ene ñande yaró, “Uni Parámimbo ñaro soré kerete!” <sup>10</sup>Asa sóqewí uni ñuko o karo murí kama ñjoyi tondañeyote. Quko o ñuro yesaráñoyotenggo. O meyowo karo hamó ñjoyi tondañeyote, quko númbowe qembe nanje ñjoyi tondañeyote. Ko ñjo-ñjo ñundo rambaruru yereyote.

<sup>11</sup>O ininiyaqe. Ñuko Kein koro khe qu howeyotenggo; ñuko mone koro ñjoro Balam koro otete koroqe qu waka ta teyotenggo; ñuko Kora qembe mande wenda-wenda ti Anutuko rambaruru yereweya.<sup>i</sup>

<sup>12</sup>Uni ñundo toro ñunde qembe ye rambaruru yerewero quro sóqeyotenggo. Sóqero sasaro kama tero yeya koporo newonde meté epe ino-ino tewero quro o ne-neko ñuno o neyotenggo. Enendo sopo-sopo uní qembe teyotenggo, quko eneño nanje wutu yereyotenggo. Ñuko koporéko sono riní kama umbuyote ñunde qembe, matúmbo kinange huwoní areyote. Ñuko kewá engé moré kini tero asáqiní tumañgurí ñunde qembe, asa eneko hamó khumowí ñunde qembe. <sup>13</sup>Ñuko windi matúmbo okokowoní uyare maheyote ñunde qembe, kowí piyoye muko harasasa ñunde qembe areyote. Ñuko tutu samboko yotoro kinange uyare mahe teyotenggo ñunde qembe. Anutuko yorero huriri yendé piyimi horé muno ñuno yorotoní suki-suki yowañgo.

<sup>14</sup>Enok ñuko Atam koro sowe qu kande sañiyoro irisayó mu ñunde tunoqaró. Enendo komo uni piyimi itaka yotenggo ñuro ye-ye mande<sup>j</sup> ka ñande yaró, “Qeni, Uni Parámimboya eneño uni meté horé qambu-qambu mahetenggo. <sup>15</sup>Enendo unipare soso ronda yerero unipare soso Anutu huwóñoyotenggo qundo otete piyimi teyotenggo ñu topé piyimi yunoweya. Ko unipare ñunde qundo eneño yesaráñanjgurí ñu ñuya yorero mande khono yorotoweya.” <sup>16</sup>Uni ñundoko kisikasa mande yero o soso koro newonde sañgirí teyotenggo, eneño ñjo-ñjoye nanje howeyotenggo, eneño owéye hokoro uni newondeye kanáñoyotenggo.

---

<sup>h</sup> <sup>9</sup> Komo suki “*Mosesko*” uni parámi tero Israel unipare sopo yereró. Anutuko *Sainai* purímo *hutuño mande* inoní mande ñu rondaqe unipare yunaró. <sup>i</sup> <sup>11</sup> “*Kein*” koro Murí Tero 4 weyo qembe. “*Balam*” koro Qambuye 22-24 weyo qembe. “*Kora*” koro Qambuye 16 weyo qembe. <sup>j</sup> <sup>14</sup> “ye-ye mande” ñuko unindo Yuqa nonjo mande ka rero unipare soso yimiraró. Mande ñunde quko uniparetoro oteteye rondañarómbe ma newondeye rukisoyaró.

### Quhurí korowoya kondé kaŋi qembe

<sup>17</sup>Uni topo hamó, komo Uni Paráminani Yesu Kristo<sup>k</sup> koro asá yerewí uni<sup>l</sup> mande ka ye yimirangurí. Mande ŋu inji. <sup>18</sup>Ŋande yimirangurí, “Naru weŋako, uni kumimbo Anutu huwóŋoro iŋo-iŋo piyimiye ŋu nanŋe howewanŋo,” yanŋurí. <sup>19</sup>Uni ŋundoko Anutu koro huru-huru<sup>m</sup> ŋu usowo yerewanŋo, noko unindoro iŋondutu qu nanŋe howeyotenŋo, Yuqa Surumí ŋundo eneno kama yote.

<sup>20</sup>Ye topo hamó, naru rokóŋoro wimbu reya iŋondutuye meté horé mu kondé towoyi qembe. Ŋunde toworo Yuqa wimbímo hariri tero <sup>21</sup>Anutu taŋgímo yuri ene yeŋo iŋoyoweya. Taŋgímo ŋuno yotoro Uni Paráminani Yesu Kristo sikiye te yunowero quro sopoyi qembe. Siki ŋundo yoriní yoto-yoto suki-suki rewanŋo.

<sup>22</sup>Ye uni newonde irisa teyotenŋo ŋuro sikiye te yunoyi qembe. <sup>23</sup>Kumi muko kewáko yotenŋo ŋunde qembe, asa uni ŋu pitu waka ta yori qembe. Ko kumi ŋuro sikiye te yunoroqo oteteye pusú ŋuro piyimiŋoyi qembe. Hamó, oye soso pusú teyote ŋuro sorero kapiyamo tonj qembe.

### Puriŋo mande ka

<sup>24</sup>Anutuko wimbí tero ye yoriní pikopako kama tero potóye moré kini yotoro eneŋo sine parámimo kaŋero niŋgu-niŋgu parámi tewanŋo. <sup>25</sup>Enendo Anutu kanata nanŋe yorote, ko Uni Paráminani Yesu Kristowore<sup>n</sup> rambaruru koŋgo nore noreweya. Ŋunde ŋuroko eneŋo owí hokato. Eneko noreŋo korete-koretenani, wimbí kondé, o soso koro kembé yorote. Komo suki ŋunde na yora, itaka naru ŋano ŋuya yorote, ko naru imemoŋgo ŋunde nanŋe yoroweya. Ŋu hamó.

---

<sup>k</sup> <sup>17</sup> “Yesu Kristo ” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yanŋurí. Juda unipareto uni maheweya ŋu, “Kristo,” ma, “*Mesaiya* ,” ye nekanŋurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nanŋe ye nekanŋurí. <sup>l</sup> <sup>17</sup> “*asá yerewí uni* ” ŋuko Yesuko rokó yerero asá yiriní eneŋo khoýo taŋgurí. <sup>m</sup> <sup>19</sup> “*Anutu koro huru-huru* ” ŋuko unipareto Yesu iŋondutuwooro huruwoyotenŋo qu. <sup>n</sup> <sup>25</sup> “Yesu Kristo ” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yanŋurí. Juda unipareto uni maheweya ŋu, “Kristo,” ma, “*Mesaiya* ,” ye nekanŋurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nanŋe ye nekanŋurí.